

說文解字注箋

說文解字第五下

金壇段玉裁注

番禺徐灝箋

月巴越之赤石也象采丹井一象丹形凡丹之屬皆

从丹都寒切古文丹形亦古文丹

注曰巴郡南越皆出丹沙蜀都賦丹砂旣熾出其

坂謂巴也吳都賦顏丹明璣謂越也丹者石之精

故凡藥物之精者曰丹月象采丹井史記所謂丹

穴也形似是古文形○箋曰丹有五色赤者爲貴

遂獨擅其名如金有五色黃者爲貴亦獨擅其名

也引申之凡色近赤者皆曰丹

臙善丹也从丹夔聲周書曰惟其敷丹臙讀若雀郭烏

切

注曰南山經曰雞山其下多丹臙侖者之山其下多青臙然則凡采色之善者皆偶臙臙本善丹之名移而他施耳亦猶白丹青丹黑丹皆曰丹也書梓材文敷孔穎達正義本作敷衛包改作塗俗字也○箋曰書云丹臙渾言丹沙非謂專以赤色爲飾也舊傳及孔疏皆誤今俗猶謂塗金爲敷金

彤丹飾也从丹从彡其畫也

徒冬切

注曰春秋經曰丹桓宮楹以丹拂拭而塗之故从丹彡彡者毛飾畫文也小徐有彡亦聲三字然則

彤古音當在侵部○箋曰彤者采飾之通名左氏
哀元年傳器不彤鏤楚語日不聞其以土木之崇
高彤鏤爲美彤鏤對文彤謂采飾鏤謂雕刻也世
誤以丹爲赤色之專名而彤因亦誤爲赤矣繫傳
本有多亦聲三字殊誤鼎臣刪之是也

文三 重二

青東方色也木生火从生丹丹青之信言象然

象毛本及

繫傳俱作必

凡青之屬皆从青

倉經切

古文青

注曰俗言信若丹青謂其相生之理有必然也援
此以說从生丹之意○箋曰此以青之字義取於
東方之木又因木生火以爲文而字彤竝無木與

火乃以丹代火遂謂生丹爲青義殊迂折戴氏侗
曰石之青綠者从丹生聲是也灝按丹沙石青之
類凡產於石者皆謂之丹大荒西經有白丹青丹
張衡東京賦黑丹石繙是也蓋丹爲總名故青从
丹生聲其本義爲石之青者引申之凡物之青色
皆曰青矣丹青之信言必然者楚金云凡遠視之
明莫若丹與青黑則昧矣阮籍詠懷詩曰丹青著
明誓言若丹青之分明猶詩云有如皎日也

靜審也从青爭聲

疾郢切

注曰上林賦靚粧張揖注謂粉白黛黑按靚者靜
之假借采色詳審得其宜謂之靜考工記言畫續

之事是也分布五色疏密有章則雖絢爛之極而無渙浥不鮮是曰靜人心審度得宜一言一事必求義理之當然則雖繇勞之極而無紛亂亦曰靜引申假借之義也安靜本字當从立部之𡇗。箋曰段說是也李善注文選甘泉賦顏師古注漢書百官公卿表及賈誼揚雄傳李賢注後漢張衡傳竝云靚與靜同晉書音義亦曰靚與靜同本作靚按說文有靚無靚

文二 重一

井 八家一井象構韓形。𡇗之象也古者伯益初作井凡井之屬皆从井

子郢切

注曰穀梁傳曰古者公田爲居井竈蔥韭盡取焉
風俗通曰古者二十畝爲一井因爲市井交易故
稱市井皆謂八家共一井也孟子方里而井井九
百畝其中爲公田此古井田之制因象井韓而命
之也韓井上木闌也其形四角或八角又謂之銀
牀缶部鑿汲餅也○箋曰八家之井據井田之制
而言周制方一里爲田九頃因有似井字謂之井
田釋名云九夫爲井其制似井字是也段謂井田
象井韓失之字形乃象井韓耳東方之宿亦以其
似井字而名之

井澹池也从井瑩省聲

烏迴切

注曰玉篇作澤地雖不言出說文然恐說文古本如是廣韵泚濊小水也泚蓋卽犇凡从然之字皆曰熒省聲瑩當作熒

阱陷也从自从井井亦聲

疾正切

𡩂阱或从穴其

古文阱从水

注曰穿地陷獸也於大陸作之如井○箋曰一切經音義一引說文阱大陷也蒼頡篇𡩂謂掘地爲坑張禽獸者也灝按今本蓋脫大字阱古祇作井易井初六舊井无禽是也別作𡩂見𡩂部

𡩂罰皐也从井从刀易曰井法也井亦聲

戶經切

注曰此引易說从井之意井者法也蓋出易說司

馬彪五行志引易說同此荆罰正字今改用刑刑者剉也見刀部其義其音皆殊異假借爲典型字○箋曰此荆爲政刑本字刀部刑乃刑人之偏義不當訓爲罰臯疑臯字衍罰猶荆也說見刀部堯典曰觀厥刑于二女大雅文王篇儀刑文王思齊篇刑于寡妻孝經刑于四海皆法則之義如訓爲罰臯則不可通矣荆之引申爲常爲治釋詁曰刑常也廣雅曰刑治也又引申爲成別作例王制曰刑者例也例者成也學記曰教之不刑是也已上諸刑字皆當作荆古字通也从刀有斷制之義井當爲聲易曰往來井井王注不渝變也此因聲載

義也典型字本作荆相承增土亦非假借

斯造法荆業也从井刃聲讀若創

初亮切

注曰蒙上文井者法也而言故云造法荆業國語孟子字皆作創假借也。箋曰从井無義井可訓法而非所以為法也疑當从荆省

文五 重二

𦰩

穀之馨香也象嘉穀在裹中之形匕所以扱之或

說自一粒也凡自之屬皆从自又讀若香

皮及切

注曰曲禮曰黍曰薌合梁曰薌其薌即香字左傳引書曰黍稷非馨明德維馨象嘉穀在裹中謂白也扱者收也顏氏家訓曰蜀土呼豆為逼三蒼說

文皆有皂字訓粒通俗文音方力反按薌卿鄉字
从皂聲讀若香之證也又鳥部鴉鴿字从皂聲爾
雅音義云鴿彼及反字林方立反是則皂有侵部
一音當云讀若某在又讀若香之上今奪○箋曰
蜀土呼豆爲逼空云呼豆粒爲豆逼逼粒一聲之
轉又黑白之白疑卽此字之上體逼白一聲之轉
也許云白从入二失之說見白部

卽食也从皂𠂔聲

子力切

注曰卽當作節周易所謂節飲食也節食者檢制
之使不過故凡止於是之詞謂之卽凡見於經史
言卽皆是也鄭風毛傳曰卽就也當云从𠂔皂𠂔

亦聲其訓節食故从口自口節古通也。箋曰卽食亦可通繫傳曰卽猶就也就食也。灝按引申之則凡有所就皆謂之卽矣。

 小食也从自无聲論語曰不使勝食既

居未切

注曰此與口部噦音義皆同玉藻少儀作饘假借字也引申之義爲盡也已也論語鄉黨篇文此引經說假借也論語以旣爲氣如商書以致爲好詩以及爲姑之類今論語作氣蓋魯論也許所傳古文論語也。箋曰此小食蓋指食物言口部噦亦云小食也則以人事言也小食易盡故引申爲盡也已也聘禮記曰如其饗旣之數鄭云古文旣爲

籩蓋二字古通故論語食既今本作食氣也

𩇛飯剛柔不調相著从𩇛𠂔聲讀若適施隻切

注曰玉篇作飯堅柔調也無不字非也堅與柔不和謂不純堅不純柔柔者與堅者兩相附著飯之不美者也○箋曰飯剛柔不調則不相附著此不字疑衍當從玉篇刪之廣韻亦曰𩇛謂堅柔相著也爾雅釋器曰食𩇛謂之𩇛搏者謂之𩇛米者謂之𩇛李巡云𩇛飯淖糜相著也米飯半腥半熟名𩇛蓋飯爛爲搏半熟曰𩇛剛柔相著曰𩇛𩇛之言通也𠂔聲亦因聲載義𠂔覆巾也凡炊將熟𩇛之以巾使其氣不外洩則易熟也

文四

𩚑以秬釀鬱艸芬芳攸服以降神也从口口器也中

象米匕所以扱之易曰不喪匕鬯凡鬯之屬皆从

鬯

丑謀切

注曰攸服當作條暢周禮鬯人注大雅江漢箋皆云芳香條暢可證也郊特牲云鬱合鬯蕭合黍稷皆謂二物相合周禮鬱人凡祭祀賓客之祿事和鬱鬯以實彝注云築鬱金煮之以和鬯酒此正所謂鬱合鬯也鬯人注云鬯釀秬爲酒是鬯與鬱之分較然矣江漢傳云鬯香艸也禮緯云鬯艸生郊中侯云鬯艸生庭皆謂鬯爲艸名竊謂鬱者蘊積

鬯者條暢凡物必蘊積而後條暢秬釀非不可言
鬯香艸未嘗不言鬯也則秬艸二物固可各兼二
名矣中象米調※也卽米字斜書之士冠士昏禮
皆以秬極醴秬卽匕也易震卦辭經言鬯者多矣
獨稱此文者說鬯从匕之意也○箋曰大雅正義
曰禮有鬯鬯者築鬯金之艸而煮之以和秬黍之
酒使之芬香條鬯故謂之鬯鬯非草名以其可
和秬鬯故謂之鬯艸也灝按鬯固非艸名卽鬯亦
非其本名蓋以百艸之香者和秬黍之酒取條暢
之義命之曰鬯遂以鬯名其酒而造字象其器又
取蘊蓄之義命之曰鬯因以鬯名其艸而从鬯爲

鬱蓋造字鬱先鬱後不得以鬱爲艸之本名也互言可謂之鬱艸亦可謂之鬱酒渾而言之則但曰鬱鬱耳鬱之言暢也鬱積久發之必條暢也从匕建類圭瓚之屬也口象裸器必象秬黍不从艸者可畧也楚金謂必象秬及鬱艸亦通

鬱芳艸也十葉爲貫百廿貫築以煮之爲鬱从臼口
缶鬱彡其飾也一曰鬱鬱百艸之華遠方鬱人所貢芳艸合釀之以降神鬱今鬱林郡也迂勿切

注曰鬱人注鄭司農云鬱草名十葉爲貫百二十貫築以煮之銚中停於祭前鬱爲草若蘭今本百二十貫之下衍爲字賈公彥誤連築爲句凡以鬱

和鬯謂之鬱鬯如鬱人云和鬱鬯以實彝是也不
和鬱者但謂之秬如鬯人掌其秬鬯而飾是也許
責與鄭畧同一曰百艸之華遠方鬱人所貢芳艸
合釀之者謂合釀艸華及遠國芳艸爲鬱鬯不必
合秬酒而後爲鬯也此別一義○箋曰鬱艸之名
由合鬯而起故其字从鬯如以艸言則但謂之香
艸故鄭司農云鬱爲草若蘭王度記云天子以鬯
諸侯以薰大夫以芝蘭士以蕭庶人以艾此所謂
鬯亦以合鬯而名之且貴其物而屬之天子其實
鬯者通名耳鄭注鬯人云秬鬯不和鬱者此康成
之大而段氏謂許意與鄭畧同其誤會矣鄭以周

官鬱人鬯人分職故疑鬯人所掌不和鬱不知鬯人掌其秬鬯正是和鬱以供禘將之用若不和鬱則是尋常酒齊酒正酒人掌之矣鬱人鬯人分職各有所司非以和鬱與否爲別也許以秬和鬱爲鬯故鬯下云秬釀鬱艸而鬯下但訓芳艸著其本義不與鄭同也从臼持缶口爲甬口與鬯同意从彡者楚金云彡彡之飾也古或飾以羽故逸詩云羽觴隨波一日遠方鬱人所貢芳艸謂鬱林郡所出蓋卽今之鬱金香艸也許意以爲合鬯所用者蘭芝蕭艾之屬故以芳艸統之而一說以鬱人所貢芳艸合鬯也段乃云合釀艸華及遠國芳艸爲

鬱鬯不必合秬酒而後爲鬯尤爲大繆漢鬱林郡治布山縣今廣西潯州府貴縣治是也今南甯太平慶遠思恩諸府皆其境林部有鬱字云木叢生者依許爲二字二義竊謂鬱卽鬱之別體耳

爵

禮器也象爵之形中有鬯酒又持之也所以飲器



象爵者取其鳴節節足足也

卽畧切

𩚑古文爵象

形

注曰古說今說皆云爵一升韓詩說爵觚觶角斂總名曰爵其實曰觥觥象雀之形節節足足雀音如是廣雅曰鳳皇雄鳴卽卽雌鳴足足宋書符瑞志因之皮傳之說耳引申爲爵秩假借爲雀字韓

詩說曰爵盡也足也廌古文四聲韵作廌今正。○
箋曰廌象側視之形右爲流左爲尾中爲盛酒之
量上爲柱側視故見一柱也左垂爲足因合於下
體而省其二足也阮氏鐘鼎款識亞爵作乃古
象形文今小篆上體卽從此變从又持鬯會意爵
之制爲雀形者飲酒貴有節而止足故取其鳴節
節足足而爲雀形命之曰爵也古文爵夏竦作
爲優蓋上象其尾下有三足中爲其量也繫傳曰
爵正居形是也

黑黍也一稬二米以釀也从鬯聲其呂
或从禾 𩚑

注曰生民曰誕降嘉穀維秬維秠毛曰秬黑黍也
秠一稗二米也禾部稗稭也秠一稗二米天賜后
稷之嘉穀也是則黑黍名秬自其一稗二米言之
則謂之秠黑黍容有不一稗二米者○箋曰秬之
本字以秬爲正因和鬱爲𪔐故別製𪔐字从𪔐也
𪔐列也从𪔐吏聲讀若迅疏吏切

注曰列當从玉篇作烈字之誤也烈火猛也引申
爲凡猛之稱○箋曰鬱𪔐之酒其氣馨烈謂之鬱
讀若迅下疑奪駛字

文五 重二

食人米也

人原本作一
今從段正

从𠂔人聲

繫傳無
聲字

或說人𠂔

也凡食之屬皆从食

乘力切

注曰各本作一米也今定爲人米由人字俗罕用而誤也以合下云人口例之則此當爲人米信矣人集也集眾米而成食也今人食分去入二聲古不如此分別○箋曰或說人皂也者謂此字本从皂人聲而或以爲人皂會意也

饔飩飯也从食𠂔聲

府文切

饔饩或从賁饔饩或

从奔

注曰爾雅釋言曰饔饩稔也郭注今呼餐爲饔饩均熟爲饔詩洞酌釋文引字書云饔一蒸米也𠂔从奔聲賁奔亦从奔聲○箋曰稔與饩同餐與饔

同內則滫注云秦人淩曰滫是也玉篇云半蒸飯
蓋炊將熟復以飯蒸之也

𩚑

飯氣蒸也

蒸殺訂作流

从食畱聲

力救切

注曰蒸當作流今依泐酌正義引改飯氣流者謂
氣液盛流也○箋曰詩釋文引孫炎云蒸之曰饋
均之曰饋蓋饋者半熟饋則全熟矣方言曰饋自
關而東或謂之餗饋此因事以名其器也

𩚑

大孰也从食王聲

如甚切

𩚑

古文𩚑

𩚑

亦古文

𩚑

注曰特牲禮請期曰羹𩚑注𩚑孰也𩚑亦假稔爲
之心部恁下云齋也此古文後人增羣○箋曰方

言曰徐揚之間曰飪字又作飪廣雅曰飪熟也又作臚聘禮記唯羹飪筮一尸鄭注古文飪作臚按今粵俗謂肉爛熟曰臚段以古文恁爲後人增屨承氏培元曰許書多有重文別見他部者重文爲古通別部爲正義不得疑其重出灝謂此等或有許君失檢亦有後人所增不可盡信也

饔熟食也从食雝聲

於容切

飴米粢煎也从食台聲

與之切

與之興籀文飴从異省

飴飴和饊者也从食易聲

徐盈切

注曰飴當作錫不和饊謂之飴和饊謂之錫故釋名云飴弱于錫也方言曰凡飴謂之錫自關而東

陳楚宋衛之間通語也楊子渾言之許析言之周
禮小師注管如今賣鉛錫所吹者按錫从易聲故
音陽亦音唐釋名曰錫洋也方言曰錫謂之鐺李
軌周禮音唐是也陸氏音義辭盈反因之唐韵徐
盈切此唐部轉入庚部如行庚觥等字之入庚韵
也○箋曰洋盈爲錫盈洋爲錫語之相反鉛錫錫
一聲之轉耳

熬稻粳饔也

饔本作程今依段正

从食敬聲

蘇旱切

注曰饔當从食各本作程蓋因許書無饔改之耳
楚辭方言皆作饔饔古字蓋作張皇招魂有饔饔
些王曰饔饔錫也方言曰錫謂之饔饔郭云卽乾

飴也諸家渾言之許析言之豆飴謂之登見豆部
○箋曰饊之言燉也以饴熬稷米謂之饊亦謂之
粳饊釋言粳糧也郭云今江東通言粳蓋粳者糧
米之偶合饴言之謂之粳饊粳饊之合聲卽饴也
既熬而小乾之乃和於飴而爲錫故錫下云飴和
饊者也

餅

麴養也从食并聲

必郢切

餅

稻餅也从食次聲

疾資切

餅養或从齊

从米

饘

糜也从食直聲周謂之饘宋謂之餲

段訂作宋衛謂之饘諸廷

切

注曰米部糜糝也糝以米和羹也正考父鼎銘曰
饘於是粥於是以餲余口宋衛謂之饘各本作宋
謂之餲今依檀弓音義初學記正饘者糝之或字
一人妄謂饘饘同字故于此改餲為餲耳○箋曰
糜者鬻之假借段據其本字本義以糝釋之斯誤
矣趙注孟子云飡糜粥也飡與餲同糜與糜通然
則餲饘一也鈕曰釋言餲饘也則餲字義自通玉
篇饘為饘之重文廣韵互易則饘饘同字亦非妄

餲乾食也从食侯聲周書曰峙乃餲糧

平溝切

饘餲也从食非聲陳楚之間相謁食麥飯曰饘

非尾切

饘酒食也从食喜聲詩曰可以餲饘

昌志切

饘饘或

从配饔饩或从米

注曰周禮地官饔人鄭司農云饔人主炊官也特牲饋食禮注曰炊黍稷曰饔皆依文爲訓○箋曰爾雅釋訓曰饔酒食也釋文引字林云饔熟食也此引申之義也

饔具食也从食算聲

士戀切

饔饩饔或从𠂔

注曰論語曰有酒食先生饔馬云飲食也鄭作饔特牲少牢注皆云古文饔作饔許書無饔是不从古文但禮經之饔訓食餘而許訓具食則食餘之義無箸且禮經言饔者多矣注皆不言古文作饔食餘之字皆作饔未有作饔者然則禮饔饩當是

各字饌當獨出訓具食簋餽當同出訓食餘乃與
禮經合疑禮注當云今文簋作餽若論語魯餽古
饌此則古文假饌爲餽此謂養親必有酒肉既食
恆餽而未有原常情以是爲孝也○箋曰戴氏侗
曰饋食禮尸設祝命嘗食簋者康成云古文皆作
餽簋乃餽字非饌也灝按餽餘卽饌具之引申飲
食必具然後有餘也戴段分簋饌爲二字未覈

養

供養也从食羊聲

余兩切

古文養

注曰今人分別上去古無是也

飧

食也从食反聲

符萬切

注曰自籀篆已上皆自物言之自簋篆已下皆自

人言之然則云食也者謂食之也此飯之本義引
申之所食爲飯禮記音義云依字書食旁作卞扶
万反謂所食也食旁作反符晚反謂食之也二字
不同按陸語殊誤古祇有飯字後乃別作餅俗又
作飴此正如汧水俗作汧也唐以前書餅字又多
譌爲餅

𣎵

雜飯也从食卪聲

女久切

注曰米部𣎵雜飯也此𣎵篆蓋俗增故非其次宜

刪○箋曰𣎵曰玉篇有𣎵此亦字異義同非俗增

飴

糧也从人食聲

祥吏切

注曰以食食人物其字本作食俗作飴或作飼經

典無飢許云銖食馬穀也不作飢馬此篆淺人所增故非其次釋為糧也又非宐刪○箋曰錢氏拈曰蒼頡解詁以食與人曰飢聲類哺也鈕曰篇韻竝云食也當本說文作糧者疑後人因字林改兒釋木釋文艸部茹飢馬也竹部箴飢牛筐也許固用之不可謂淺人增

饋以羹澆飯也从食贊聲

則餘切

饒畫食也从食象聲

書兩切

饒錄或从寡

原作傷省聲今依繫

傳

注曰此猶朝曰饗夕曰飧也畫食曰饒俗譌為日西食曰饒見廣韻今俗謂日西為晌午頃刻為半

晌猶餽之遺語也。○箋曰：今人猶謂晝食爲餽，午
餽之言饗也。俗晌字義與鼎同，嘉疑易之。或體說
見角部觴下。

𩚑 鋪也从夕食

思魂切

注曰：小雅傳曰：熟食曰饗。魏風傳曰：熟食曰飧。然
則饗飧皆謂熟食，分別之則謂朝食，夕食左傳僖
負羈饋盤飧趙衰以壺飧從皆不必。夕時渾言之
也。司儀注曰：小禮曰：飧，大禮曰：饗。餼，此飧饗與常
食不同，且多生腥，不皆孰物。○箋曰：戴氏侗曰：飧
夕食也。古者夕則餼朝膳之餘，故熟食曰飧，饌之
鮮薄不備禮者，因亦曰飧。聘禮致飧，飪一牢，鼎九

腥一牢鼎七致饗則飪一牢鼎九有陪鼎腥二牢
鼎二七康成曰不備禮曰飧又按越語曰飧飯不
及壺飧既食而再飯三飯亦曰飧記曰君既食又
飯飧飯飧者三飯也灝按玉藻日中而餽鄭注餽
食朝之餘也因爲凡熟食之稱又引申之通謂盤
飧

鋪

日加申時食也从食甫聲

博狐切

鋪籀文鋪从皿

浦聲

注曰淮南書云日至於悲谷是謂鋪時鋪一作晡
引申之義凡食皆曰鋪○箋曰文選神女賦序晡
夕之後李注晡日昃時也晡時而食因謂夕食爲

鋪本書無哺字蓋偶佚之

餐吞也从食殳聲

七安切

飡餐或从水

注曰鄭風還子授子之粲兮毛傳粲餐也謂粲爲餐之假借餐訓吞引申爲人食之又引申爲人所食故曰授餐又按餐或作餐飡或作殳陸氏音義誤認餐爲殳字耳而集韻類篇竟謂飡餐爲一字○箋曰釋名云殳殲也投飯于水中解殲也此殳當作餐亦由俗認飡餐爲一字而改之投飯水中正是飡之字義也

𦉰

𦉰也从食兼聲讀若風濂濂一曰廉潔也

力鹽切

注曰口部𦉰小食也風濂濂未聞禾部稊讀若風

廉之廉未知孰是一謂讀若廉潔之廉也轉寫奪
若字○箋曰錢云穀梁傳一穀不收謂之嗛韓詩
外傳作鏃然則嗛當爲鏃鈕云玉篇引作一日廉
絜也廣韵云廉也小食也則非讀若

餼 餼田也从食盍聲詩曰餼彼南畝筠輦切

饌 周人謂餉曰饌从食襄聲人漾切

餉 饌也从食向聲式亮切

饌 餉也从食鬯聲求位切

饌 鄉人飲酒也从食从鄉鄉亦聲許兩切

注曰豳風朋酒斯饌曰殺羔羊傳曰饌鄉人飲酒
也其牲鄉人以狗大夫加以羔羊此傳各本謬奪

依正義考定如是許君所本也饗字之本義也。
箋曰戴氏侗曰經傳饗爲饗食之饗因之爲歆饗
享爲享獻之享因之爲享祀周官儀禮二字之用
較然不紊至他書往往錯用蓋傳寫之譌也楚茨
之詩曰以享以祀又曰神粢是饗此二字之辨也

饗盛器滿兒从食蒙聲詩曰有饗簋飧

其紅切

飧楚人相謁食麥曰飧从食乍聲

在各切

飧相謁食麥也从食占聲

奴兼切

饗秦人謂相謁而食麥曰饗從从食惡聲

烏困切

饗饗也从食豈聲

五困切

飧寄食也从食胡聲

戶吳切

注曰左傳餽其口於四方方言曰餽寄也按釋言
餽餽也寄食曰餽引申之義。箋曰古人相謁食
麥餽餽謂之餽因謂餽爲寄食也彌部鬻鬻卽餽
餽之異文

飮食之香也从食必聲詩曰有飮其香必切

飮燕食也从食𠂔聲詩曰飲酒之飮依據切

注曰今字作飮燕同宴安也安食者無事之食也
無事食則充腹而已故語曰厭飮釋言曰飮私也
私卽安食之謂此非周語房烝立成之飮亦非毛
傳脫屣升堂之飮詩常棣篇文此引詩說假借也
韓詩作醢說曰跣而上坐謂之宴能者飲不能者

已謂之醢毛詩假飲爲醢故傳曰燕私也今本奪
燕字○箋曰房烝立成之飲脫屢升堂之飲其事
則異其義竝同不得以一字而區分之詩飲酒之
飲韓詩作醢亦字異而義同小雅角弓篇云如食
宜饌饌卽醢也因易食爲酉故酉部訓醢爲私宴
飲以別之其實一也蓋於文雖有飲食之殊而其
事固無以異耳段以飲爲醢之假借亦非勺部割
音義同

𩚑

獸也从食包聲

博巧切

𩚑

古文飽从采𩚑亦古

文飽从𠂔聲

𩚑

獸也从食同聲

鳥立切

饒飽也从食堯聲

如昭切

注曰饒者甚飽之詞引以為凡甚之偁漢謠曰今年尚可後年饒謂後年更甚也近人索饒討饒之語皆謂已甚而求已也

餘饒也从食余聲

以諸切

箋曰食之饒曰餘引申為凡有餘之偁有餘則可久故廣雅曰餘久也凡以此概彼則曰其餘餘又為眾辭故廣雅又曰餘皆也

餼食臭也从食艾聲爾雅曰餼謂之喙

呼艾切

餼送去也

段於去下補食字

从食莢聲詩曰顯父餼之

才線切

餼野饋曰餼从食軍聲

王問切

館客舍也从食官聲周禮五十里有市市有館館有

積以待朝聘之客

古玩切

注曰鄭風大雅傳曰館舍也古假觀爲之如白虎通引于邠斯觀又引春秋築王姬觀于外沈約宋書曰陰館前漢作觀後漢晉作館自唐以前六朝時凡今道觀皆謂之某館至唐始定謂之觀。箋曰周禮遺人候館有積蓋使者所至假館授餐故館从食也

飧食也从食號聲

土刀切

飧饗或从口刀聲

文饗从號省

飧食也从食殄聲春秋傳曰謂之饗飧

他結切

饑飯傷熱也从食歲聲於廢切

注曰曲禮毋揚飯鄭云嫌欲疾也按飯傷熱則或揚之矣爾雅音義引倉頡篇饑食臭敗也廣韻本之與許異玉篇無饑○箋曰曲禮毋揚飯與此飯傷熱異義此傷熱謂暑熱而臭敗耳爾雅云敺謂之餘餘卽饑也饑與歲音義相近

鐘飯傷溼也从食壹聲乙冀切

注曰魚部曰鮑鐘魚也引申之凡淹漬皆曰鐘○箋曰爾雅曰食鐘謂之錫是鐘卽錫也論語云食鐘而錫則二義相因皇侃云鐘謂飲食經久而腐臭也灝按鐘从壹聲壹有鬱蒸閉塞之義凡食經

久因蓋藏而致變味故用壹爲聲鮑魚謂之饀魚亦以其淹漬蓋藏而名之說詳壺部許云飯傷溼者鬱蒸而生水氣也故字林云饀飯傷熱也兼溼言之許以上文饑訓傷熱故於此獨言傷溼其實義皆通耳

饀飯餲也从食曷聲論語曰食饀而餲乙例切又烏介切

饑穀不孰爲饑从食幾聲居衣切

饑蔬不孰爲饑从食堇聲渠各切

注曰釋天云蔬不孰爲饑按許書無蔬字當本作

蔬疏之言疋也凡艸菜可食者皆有根足而生也

○箋曰段因疏从足而以根足爲說殊迂謬爾雅

云某謂之𦵏疏卽𦵏之轉聲

𦵏也从食𦵏聲讀若楚人言恚人

於革切

𦵏

原本作餒今從段正

𦵏也从食妥聲一曰魚敗曰𦵏

安聲原本作委

聲餒本作餒今並依段正奴罪切

注曰各本篆作餒解作委聲非也今正考論語音

義曰說文魚敗曰𦵏本又作餒字書同爾雅音義

亦云說文魚敗曰𦵏字書作餒別字書於說文則

陸所據說文从妥明矣妥聲乃與奴罪切音相近

猶按必妥聲乃與女禾切相近綏必妥聲乃得妥

綏爲古今字也。箋曰段改是也一切經音義二

十引三蒼云餒飢也說文作萎食牛也此亦許書

無餒字之一證蓋餒訓飢餒乃訓飢今玉篇廣韻
竝云餒飢也疑飢本作飢形近之誤廣雅萎飢也
是也蓋餒誤訓為飢淺人因改說文餒飢也作餒
飢也以合之矣戴氏侗曰餒不足中歉也魚敗則
肉不充故謂之餒按孟子云無是餒也即中歉之
意

飢餓也从食几聲

居夷切

饑飢也从食我聲

五箇切

餽吳人謂祭曰餽从食从鬼鬼亦聲

俱位切又音饋

饌祭醑也从食𠂔聲

陟衛切

餽小餒也从食兌聲

輪芮切

餽馬食穀多气流四下也从食交聲里飯切

餽食馬穀也从食末聲莫撥切

文六十二 重十八 詩小雅巧言云亂是用餽類篇引說文餽食也

今食部無此

餽食之餘也从食交聲子陵切

箋曰古作饌說見裏下

餽餌屬从食羔聲古牢切

鈕曰方言餌謂之餽廣雅餽餌也據一切經音義

卷六引倉頡篇粗粲餅餌也江南呼為膏糧疑餽

即膏之俗字○箋曰餽字見於方言廣雅是漢時

已有之元應所云乃與膏通耳此亦說文偶遺之

文二 新附

△三合也从入一象三合之形凡△之屬皆从△讀

若集

秦入切

箋曰△古集字今通用集而本字廢矣△象三合之形說文通例凡象形文多析其字畫言之如云日从口一象形舍从入中象屋也口象築也矢从入象鏑栝羽之形皆就小篆之體指以示人非謂當从所析之字義也故△从入一非入字也矢从入亦非入字以是明之

合

合口也

合繫傳作△

从入从口

侯閑切

注曰此以其形釋其義三口相同是爲合十口相

傳是爲古引申爲凡會合之偶釋詁曰會合也合
會對也○箋曰亼口猶言合口合猶對也亼之字
形象三合而此从亼口則但取其相合而已段以
三口相同釋之非也因之爲合龠之合取兩龠相
合義

𠂔皆也从亼从叩从虞書曰𠂔曰伯夷

七廉切

注曰釋詁曰𠂔皆也叩驚嘩也虞書當作唐書堯
典文○箋曰从亼叩从會意𠂔口相從是曰𠂔同
也从叩但取二口而非取驚嘩之義凡此不可不
知又虞書不誤段調當作唐書非也說見禾部稭
下

𠄎思也从𠄎从冊

力屯切

𠄎籀文𠄎

注曰𠄎下曰𠄎理也思猶𦉰也凡人之思必依其理○箋曰𠄎倫古今字倫理也思讀爲𦉰𦉰亦理也从𠄎冊會意冊書次第有條理者也戴氏侗曰凡物之圓渾曰昆𠄎𠄎冊而卷之𠄎如也按此引申之義也

今

繫傳本作今

是時也从𠄎从𠄎

繫傳作𠄎下同

古文及

居音切

注曰今者對古之偶云是時者如言目前○箋曰當時爲今既往爲昔凡言今時之事多曰及今亦曰及是時故从𠄎从𠄎此篆鼎臣本作今而他从今聲之字皆篆作今則繫傳不誤又部古文及作

言丁角注金頁三
𠂔繫傳本作𠂔今从𠂔之轉體也又按古文𠂔之
形許君未有解說疑是𠂔之反體𠂔卽乙字艸木
冤曲難出之義反之則已出矣此及時而生之意
也故反𠂔爲𠂔歟

舍市居曰舍从宀象屋也口象築也

始夜切

注曰周官遺人曰凡國野之道五十里有市市有
候館鄭云候館卽市居之舍也引申爲凡止之偶
○箋曰舍者出宿所居故凡宿於外謂之舍呂氏
春秋過理篇舍主人之家是也戴氏侗曰因止舍
之義而爲置舍禮有舍食舍某行者止舍則墮載
弛僭故舍有縱舍之義別作捨灝按命象屋口象

垣牆古音讀若暑

文六 重一

會合也从亼从曾省曾益也凡會之屬皆从會黃外切

𠄎古文會如此

注曰會合也見爾雅釋詁禮經器之蓋曰會爲其上下相合也○箋曰合者併也合併則有所增加故从亼从曾省曾猶重也謂重疊相合也因之凡相遇曰會古文𠄎从彡眾合之義也

𠄎益也从會卑聲符支切

箋曰此裨益本字古通作裨

𠄎會日月合宿爲𠄎原本作辰誤今從段正从會从辰辰亦聲權

切

注曰各本作爲辰今依廣韵集韵類篇訂辰亦聲
當作會亦聲攷廣韵十四泰有會音黃外切十七
眞無會字是可證說文本作會亦聲也○箋曰日
月合宿同躔一宿度也是爲合朔命之曰會歲十
二月月有一會繇是分十二宮以推七政行率此
造麻之權輿也春秋昭七年夏四月甲辰朔日有
食之左傳士文伯對晉侯曰日月之會是謂辰故
以紀日蓋謂以日月之會推知定朔所在而以日
紀配之則得其大小建也凡日食必太陰入交故
因論交食而對以日月之會杜預不明麻法乃謂

以子丑配甲乙作疑似之語矣十二辰亥曰姤訾
之次今測自虛八度至室七度戌日降婁之次自
室八度至奎八度酉日大梁之次自奎九度至昴
一度申日實沈之次自昴二度至參六度未日鶉
首之次自參七度至東井二十五度午日鶉火之
次自東井二十六度至星三度巳日鶉尾之次自
星四度至翼七度辰日壽星之次自翼八度至角
七度卯日大火之次自角八度至氐十六度寅日
析木之次自氐十七度至尾十五度丑日星紀之
次自箕初度至斗二十度子曰元枵之次自斗二
十一度至虛七度皆黃道經度也水星日行一度

凡三十日而超一辰故亦謂之辰星辰曆古字通
从會辰會意兼聲此字玉篇集韻類篇皆有兩音
獨廣韻收入泰韻音黃外切而真韻偶遺之段氏
據此遂改爲會亦聲而刪大徐植鄰切之音愚謂
日月之會是謂辰不可言日月之會是謂會況說
文明云辰聲鼎臣實本諸孫愐唐韻安得偏據廣
韻而謂大徐不必盡用唐韻乎

文三 重一

倉穀藏也倉黃取而藏之故謂之倉从食省口象倉
形凡倉之屬皆从倉

七岡切

倉上奇字倉

注曰穀藏者謂穀所藏之處也○箋曰釋名曰倉

藏也藏穀物也楚金曰倉黃穀孰色蒼黃也灝按
取而藏之謂之倉此釋倉之名所由起卽日實也
月闕也之例而倉之音義尤爲顯著矣口象倉形
其形略故从食省食與食之篆體小不合蓋相承
筆迹小異也又按許云高象臺觀高之形與倉舍
同意是此三字皆从人象屋而倉又从食省者蓋
从食指事亦兼取其形如身从人厂聲象人之身
夔从頁从义从已止象獸形說文有此一例也

倉

鳥獸來食聲也从倉升聲虞書曰鳥獸𪔐𪔐

七羊切

注曰𪔐蓋壁中文如此孔安國以今文讀之易爲
𪔐鄭云飛鳥走獸𪔐𪔐然而舞僞孔傳本之許則

徑從𧇗字說爲鳥獸來食聲鄭注大司樂亦引鳥獸𧇗𧇗公羊春秋有頓子𧇗書咎繇謨文○箋曰大司樂注祇有鳥獸𧇗𧇗四字其云飛鳥走獸𧇗𧇗然而舞乃賈公彥語江氏聲王氏鳴盛孫氏星衍皆誤引作鄭說而段氏從之反以爲僞孔傳所本著書之難如是不知賈疏正本僞傳耳許以字形从倉爲食省故云鳥獸來食聲亦望文生義經云鳳皇來儀百獸率舞卽所謂鳥獸𧇗𧇗也當從傳說以鳥獸舞義爲長釋文引馬融云鳥獸笱簋也尤長於眾說矣此篆形聲未確疑本作𧇗而易足爲片未必壁中書也

文二 重一

人內也象从上俱下也凡入之屬皆从入

人音切

箋曰釋名云入內也內使還也內皆讀如納从上俱下語意未詳或謂从入字作二垂然上與下對不與入對自上而下未足見意且古文上字有二形亦非通例或說迨非也魏校六書精蘊曰人象木根入地形與出象艸木上出正相對木根入地即自上而下也存參

內

入也从口自外而入也

奴對切

注曰今人謂所入之處爲內乃以引申爲本義也小徐曰口音垠按當音覓許曰口具篆口者覆也

言部 卷之三
三
○箋曰古義當先有外內而後有出納段說非也
繫傳說从口似不誤从入在口內也口作凵乃筆
迹小異耳

𡵓入山之濙也从山从入闕鈕箴切

注曰廣韻作入山濙見此闕謂闕其音讀也鈕箴

切乃後人強爲之音以其字似岑因謂音岑耳

糴糴市穀也从入从糴徒歷切

箋曰今吾粵俗語猶謂市穀曰糴出部糴出穀也

糴糴同聲實本一字說見米部糴下

全完也从入从工疾緣切全篆文全从玉純玉曰全

全凡古文全

注曰考工記玉人云天子用全鄭注全純玉也篆
當是籀之誤今字皆从籀而以全爲同字古文金
汧簡作𠂔古文四聲韻載王庶子碑同疑近是○
箋曰从入未詳从工疑玉之省蓋玉之本篆象三
玉之連而珏爲二玉相合然則工卽二玉相合而
連貫之與珏同意非工事之工也引申爲凡完備
之僞

从二入也兩从此闕

良獎切

注曰此闕調音讀不傳也○箋曰文从二入其音
義則未聞故曰闕段氏謂但闕其音非也按从兩
兩三字其形相承疑本一字从二入者兩之意也

从卽古兩字又作兩

文六 重二

缶 瓦器所以盛酒漿秦人鼓之以節譌象形凡缶之

屬皆从缶

方九切

注曰缶有小有大如汲水之缶蓋小者也如五獻之尊門外缶大於一石之壺五斗之瓦甔其大者也皆可以盛酒漿○箋曰陶旒之事甔甔之屬謂之瓦甔未燒謂之坏成器謂之缶未燒謂之甔缶爲大名故荀从缶云盛酒漿者舉其常也史記藺相如傳秦王爲趙王擊缶此秦人鼓以節譌之事也然易離九三云不鼓缶而歌則自古有之朱氏彝

尊曰坎其擊缶載之陳風匪僅秦人鼓之又云值其驚翻則不獨以之節詞兼可會舞也缶象形下器體上其蓋也

𡗗

未燒瓦器也从缶𡗗聲讀若箏

苦侯切

注曰土部曰瓦未燒曰坏𡗗與坏義同音近故集韻謂爲一字讀與箏等之等同乎古音浮玉篇𡗗苦谷切○箋曰浮古音讀若涪坏浮雙聲苦侯苦谷亦雙聲也

缶

瓦器也从缶包省聲古者昆吾作匏按史篇讀與

缶同

徒刀切

注曰玉篇云作瓦器也大雅陶復陶穴正義引說

文匄瓦器竈也按穴部云窯燒瓦竈也然則依玉篇爲長包省聲疑作𠂔聲呂覽昆吾作匄高云昆吾顓頊之後許書言按者二條疑後人羣入史篇者史籀所作大篆十五篇也史篇以匄爲缶古文假借也匄與缶古音同在九部○箋曰此當从詩疏所引爲長窯卽匄之異文耳𠂔本人字之曲體孫愐以𠂔爲包音布交切者妄也說文無从𠂔聲而讀如包之字是其明證匄从包省聲不誤段欲改作𠂔聲是以不狂爲狂矣

𠂔缶也从缶𠂔聲

鳥莖切

注曰方言甄瓮甕也自關而西晉之舊都河汾之

聞其大者謂之甌自關而東趙魏之郊謂之瓮或謂之甌甌其通語也甌卽甗甗卽罌○箋曰顏注急就篇甗甗之大腹者也瓦部甗罌也甗亦大腹者也

𦉰小口罌也从缶𦉰聲

池偽切

注曰上文罌者兼大口小口渾言之此云小口罌則析言之也小口則盛物必垂下之故曰甗凌人注云鑑如甗大口以盛冰謂如甗而大口也方言甗周洛韓鄭之間謂之甗或謂之甗按甗者餅之長頸者甗不長頸方俗或同名○箋曰淮南汜論訓抱甗而汲高注甗武也武與甗通方言甗甗也

周魏之間謂之甌郭注今江東亦呼甌爲甌子字
又作甌既夕禮甌二醴酒鄭云甌亦瓦器古文甌
皆作庶禮器君尊瓦甌鄭注瓦甌五斗是也甌者
垂也形若膽餅故謂之甌非謂盛物垂下也

𪔐 小缶也从缶音聲蒲侯切

注曰方言甌甌甌也自關而西晉之舊都河汾之
閒其大者謂之甌其中者謂之甌甌又曰缶謂之
甌甌○箋曰瓦部甌與此音義同

𪔑 甌也从缶并聲薄經切 𪔑或从瓦

甌 汲甌也从缶甌聲烏貢切

箋曰瓦部甌與此音義同

𪔐

下平缶也从缶之聲讀若翳

土盍切

注曰下當作不字之誤也凡器無不下平者以从乏之義求之當是不平之缶反正爲乏也又以讀若翳求之翳與替雙聲替者一偏下也○箋曰𪔐今俗常用之器其形平底正所謂下平缶也段以反正爲乏說之又以讀若翳轉爲替而以一偏下說之支離穿鑿之甚

𪔐

備火長頸餅也从缶炎省聲

鳥莖切

注曰左傳襄九年宋災具綬缶備水器杜注缶汲器也水器盆甕之屬也是謂汲水貯水之分師古注五行志謂水器者甕瓮之屬○箋曰炎卽今俗

所用火煤餅也是為火器而非水器故从礬為聲而與礬絕異也段氏誤認備火為救火而引左傳為說殊謬救火安用此小水瓶為邪

缸 坂也从缶工聲

下江切

鉢 瓦器也从缶或聲

于逼切

鐃 瓦器也从缶薦聲

作甸切

注曰小雅斯干篇乃生女子載弄之瓦毛傳曰瓦紡專也○箋曰寸部專六寸簿一面紡專蓋婦人所用以薦紡績之器也說具寸部

甌 瓦器也从缶肉聲

以周切

箋曰方言甌甕也淮汝之間謂之甌一切經音義

十一引蒼頡篇窰燒瓦竈也穴部作窰蓋窰爲瓦器之通名因謂燒瓦竈爲窰後又增穴爲窰也窰甸語之轉肉聲窰聲古音竝在幽部鼎臣謂當从言省乃得聲非也言亦从肉聲

𡵓 瓦器也从缶雷聲

郎丁切

𡵓 缺也从缶占聲

都念切

𡵓 器破也从缶夬聲

本作決省聲今從段正傾雪切

注曰俗誤作缺又通用闕各本作決省聲今正○

箋曰六書故引唐本夬聲

𡵓 裂也从缶𡵓聲缶燒善裂也

呼返切

注曰考工記旄人所謂𡵓也引申爲凡裂之偁○

箋曰古音魚麻相轉故唬从虎聲而讀呼訝切與此同例蓋虜號唬一聲之轉也

磬器中空也从缶𡗗聲𡗗古文磬字詩云𡗗之磬矣

苦定切

注曰釋詁毛傳皆曰磬盡也引申爲凡盡之偁○

箋曰古磬象屋宇之形故曰室如縣磬古通作磬器中空則物盡故磬有盡義引申爲凡空之偁詩

小雅蓼莪文

磬器中盡也从缶𡗗聲

苦計切

箋曰爾雅釋詁曰磬盡也磬磬一聲之轉

缶受錢器也从缶后聲古以瓦今以竹

大口切又胡講切

注曰易入難出器也史記酷吏列傳惡少年投餒
漢書趙廣漢教吏爲餒甬蘇林曰餒如瓠可受投
書師古曰餒若今盛錢藏瓶爲小孔可入而不可
出按餒以瓦甬以竹也今市中錢甬皆用竹大口
切大當作火胡講切音之轉也古音在侯部

文二十一 重一

罐器也从缶瞿聲

古玩切

鈕曰一切經音義卷八瓶罐注云又作灌櫬二形
同古亂切汲器據此知罐卽灌之俗字蓋本莊子
天地篇抱甕而出灌




文一

新附

矢 弓弩矢也从入象鏑枯羽之形古者夷牟初作矢

凡矢之屬皆从矢

式視切

注曰山海經曰少暉生般般是始爲弓矢郭曰世本云牟夷作矢揮作弓弓矢一器作之兩人於義有疑此言般之作是按弦木爲弧揆木爲矢繫傳系諸黃帝堯舜之下蓋不妨有同時合成之者夷牟郭作牟夷。箋曰矢鏃謂之鏃所以築弣謂之枯上象鏃下象枯引而長之作乃見其形字形無羽者可略也古鐘鼎文作或作又按一切經音義卷十八引三蒼云古者夷牟初作矢豈弓矢創於般而揮夷牟爲之善各以其一藝名歟

𦏧

弓弩發於身而中於遠也从矢从身

食夜切

𦏧篆

文𦏧从寸寸法度也亦手也

注曰射者小篆則𦏧者古文此亦上部之例也○

箋曰發於身而中於遠釋𦏧从身之義也考石鼓

文有𦏧字薛氏款識邢敦阮氏款識鬲攸从鼎並

作𦏧即射之古文小篆由此而變又或从矢許君

載𦏧篆於前從部居矢字相承耳段以𦏧為古文

非也古音讀若庶聲轉為石為貫

矯

揉箭箝也从矢喬聲

居夭切

注曰箭者矢竹不言矢言箭者矯施於筈不施於

鏑羽也箝箭也柔箭之箝曰矯引申為凡矯枉之

備。箋曰揉箭欲其直也引申之凡以曲爲直者謂之矯而矯誣之義生焉又因之以無爲有亦謂之矯公羊僖三十三年傳矯以鄭伯之命而犒師焉此矯詔之所由昉也

𣎵

惟𣎵矢也从矢會聲

作滕切

注曰周禮司弓矢曰矰矢第矢用諸弋射鄭注結繳於矢謂之矰矰高也第矢象焉第之言刺也二者皆可以弋飛鳥刺羅之也

𣎵

春饗所𣎵侯也从人从厂象張布矢在其下天子

𣎵熊虎豹服猛也諸侯𣎵熊豕虎大夫𣎵麋麋也士𣎵鹿豕爲田除害也其祝曰毋若不寧侯不

朝于王所故伉而敷汝也

平溝切

厭古文侯

注曰从人者鄭注考工記云侯制上廣下狹取象於人張臂八尺張足六尺也。箋曰古者凡射必先行鄉飲酒禮故曰春饗所射侯侯制以布爲之其中設鵠以革爲之所射之的也大射則張皮於侯以爲之飾如下文熊虎豹麋是也从厂象張布形矢在其下指事周官司裘曰王大射則共虎侯熊侯豹侯設其鵠諸侯則共熊侯豹侯卿大夫則共麋侯皆設其鵠鄭注曰用虎熊豹麋之皮示服猛討迷惑者士不大射士無臣祭無所擇鄉射禮記曰士布侯畫以鹿豕許說大射而兼及士者備

其義也祝辭節考工記文借爲爵名白虎通曰侯者候也候逆順也又爲語詞胡侯何一聲之轉

𠂔 傷也从矢易聲

式陽切

注曰𠂔謂矢所傷也各本篆作𠂔注曰易聲鉉於傷下𠂔下曰𠂔省聲知字本作𠂔今正爲傷省聲。箋曰傷既从𠂔省聲𠂔又從傷省聲何其自相矛盾至於此乎此易聲不誤說詳角部觴下

短 有所長短以矢爲正从矢豆聲

都管切

箋曰以矢爲正者繫傳曰若以弓爲度也按古者弓長六尺箭幹長三尺故度長以弓如鄉射侯道五十弓是也度短以矢如堂前一筈是也故短从

矢而豆爲聲豆短雙聲也

泚

況詞也

況下本有也字今從殺刪

从矢引省聲从矢取詞之所

之如矢也

式忍切

注曰況下也字誤今刪況當作兄古今音殊乃或假況許書當本作兄兄詞者增益之詞也俗作矧○箋曰矧況之況古假兄字爲之許君以漢時習用之字爲解自當作況全書此類甚多不可泥也爾雅釋言曰矧況也方言曰矧長也按矧从矢从引其本義蓋謂引弓今爲語詞所專而本義失矣从矢取詞之所之如矢也十字疑後人所增

矢

詞也从口从矢

陟离切

注曰白部衍識詞也此詞上亦富有識字知智義
同○箋曰智慧卽知識之引申故古祇作知知當
从矢聲王氏念孫曰知或訓爲接樂記物至知知
言物至而知與之接也古者謂相交接曰知因而
與人相交接亦謂之知故有知交之語因而相匹
偶亦謂之知檜風隰有萋楚篇樂子之無知鄭箋
曰知匹也首章言無知二章三章言無家無室其
義一也王氏引之曰知又訓爲見管子心術篇曰
外見於形容知於顏色呂氏春秋自知篇文侯不
悅知於顏色高注曰知猶見也皆謂見於面也

矢
語已詞也

已原本誤作以
今從繫傳改

从矢弓聲

弓本作以今
從繫傳改于

已切

注曰已矣疊韻已止也其意止其言曰矣○箋曰語詞之矣恆在句末故曰語已詞然亦有在句中者如詩展矣君子之類是也有在句末爲起下之詞者若詩廣漢曰漢之廣矣不可泳思江之永矣不可方思是也此當从已建類而矢爲聲

文十 重二

矮短人也从矢委聲

鳥蟹切

箋曰周禮大司徒云其民豐肉而庠鄭注庠猶短也庠矮聲相轉許作婢云短人立婢婢兒短與矮皆从矢度短以矢之義說見前



文一

新附

高崇也象臺觀高之形从口口與倉舍同意凡高之

屬皆从高

古牢切

箋曰爾雅釋詁崇高也按高非臺觀之名乃爲崇高之義而取於臺觀造字有此一例古鐘鼎文作其中或連或斷用筆小異竝無意義倉舍亦以象屋口象築故曰同意也

高小堂也从高省同聲

去類切

順高或从广頃聲

注曰元次山唐廣宋人多謂順卽亭字非也○箋曰集韻類篇竝云小堂也又瓜屋也按高从同當作同今篆體小異

亭民所安定也亭有樓从高省丁聲

特切

注曰釋名曰亭停也人所停集也風俗通曰亭畱也蓋行旅宿會之館百官公卿表曰縣道大率十里一亭亭有長十亭一鄉鄉有三老後漢志曰亭有長以禁盜賊○箋曰亭有館以止宿行旅其上
有樓以覘望盜賊故曰民所安定也周禮遺人云凡國野之道十里有廬廬有飲食三十里有宿宿有路室路室有委五十里有市市有候館候館有積是古制本無亭名後因亭留止宿之義而名之
亭卽古停字也

亭京兆杜陵亭也从高省壬聲

旁各切

注曰史記六國表湯起於亳徐廣曰京兆杜縣有亳亭錢氏大昕考異曰書立政有三亳說者以爲湯始居南亳在宋州穀熟縣西南後徙西亳卽河南偃師縣而景亳湯所盟地則宋州北五十里大蒙城是也三亳皆非京兆之亳亭秦本紀甯公與亳戰亳王奔戎遂滅蕩社徐廣云蕩一作湯社一作杜皇甫謐以爲亳王號湯西夷之國蓋京兆之亳乃戎王號湯者之邑而徐廣以爲殷湯所起其不然乎然此篇述禹興西羌周始豐鎬而及於湯之起亳則史公固以關中之亳爲湯之亳矣許不言三亳而獨言杜陵亳亭則亦以此亭當之也然

亳亭之名秦漢乃有之亳之字固不起於亭也以解字爲書不得不有涉於皮傳者○箋曰許以亳屬之京兆亦正如史公之意其云杜陵亭者據漢時所名而言非謂亳字从亭也何皮傳之有

文四 重一

邑外謂之郊郊外謂之野野外謂之林林外謂之
口象遠界也凡口之屬皆从口古熒切
从口象國邑垺同或从土

箋曰爾雅釋地曰邑外謂之郊郊外謂之牧牧外謂之野野外謂之林林外謂之垺魯頌駟傳無郊外曰牧之文與爾雅異許說蓋本毛傳周禮太宰

四曰藪牧鄭注牧牧田在遠郊畜牧之地是卽郊外爲牧之說也載師注引司馬法曰王國百里爲郊杜子春云五十里爲近郊百里爲遠郊許亦曰距國百里爲郊自野以外里數無明文孫炎曰百里之國五者之界界各十里也

𡵓買賣所之也市有垣从𠂔𠂔古文及象物相及也𡵓省聲

時止切

注曰釋詁曰之往也古史考曰神農作市本繫辭說○箋曰繫辭下傳曰日中爲市致天下之民聚天下之貨交易而退各得其所此神農氏之始作也至周而有朝市夕市之制考工記曰左祖右社

面朝後市蓋古之爲市聚散有常交易而退故曰
買賣所之非如今世俗之店鋪也今之墟集猶有
古意曰象市垣从丁會意以其所有易其所無是
物相及也

𡗗淫淫行兒从人出口

余箴切

注曰淫淫當作允允今依玉篇集韻類篇正羽獵
賦三軍芒然窮允闕與孟曰允行也如曰允懈怠
也古籍內允豫義同猶豫然則允是遲疑踟躕之
兒矣○箋曰从人出口遠行意也

𡗗中央也从大在口之內大

遲

人也央菊同意一曰

久也

於良切

注曰中央當作央中也央逗複舉字之未刪者也
詩言夜未央謂未中也毛傳央且也且者薦也凡
物薦之則有二至於艾而爲三矣○箋曰說文單
字無複舉者央當訓中中下央字蓋衍文或許君
以中央恆言而著之亦未可知也小雅庭燎釋文
云央已也且七也反又子徐反又音旦經本作旦
此且字乃旦之譌正義引王肅云央旦未旦夜半
是也段氏且薦之說殊謬央訓旦者依詩義解之
此故訓通例非說字之本義陸云央已也夜未已
則未旦故曰央旦也未已猶未久故本書一曰久
也凡事中作則未了時之中候亦然故央曰未已

亦曰未久矣與旁同意說見上部旁下

崔高至也从佳上欲出口易曰夫乾崔然

胡沃切

注曰上翔欲遠行也夫乾崔然見繫辭今易作確釋文云確苦角反馬韓云剛貌說文云高至按陸不云說文作崔蓋釋文固作崔然淺人改爲从石耳許書有確無確○箋曰段謂釋文作崔然是也佳上出口高飛遠舉至爲迅疾因之凡事之易爲者曰崔然欲字疑衍文言確乎其不可拔與此字義各別淺人疑崔爲確之省體因加石旁馬韓云剛貌就確字爲說也

文五 重二

亭度也民所度居也从回象城亭之重兩亭相對也

或但从口

音韋

凡亭之屬皆从亭

古博切

注曰釋名曰郭廓也廓落在城外也今郭行而亭廢矣或但从口當出亭篆在皆从亭之下○箋曰亭古郭字又作廓說文所無郭之義引申爲廓大廓充之偁爾雅釋詁曰廓大也孫炎曰張之大也又因之凡物在外者皆曰郭釋名云弩身外曰郭爲身之規郭也廣雅曰郭劒削也劒削卽劒室素問湯液醪醴論津液充郭王冰注郭皮也是也回象重城○兩亭相對皆城外亭也

缺也古者城闕其南方謂之缺从亭夫聲

原作缺省今從

繫讀若拔物爲決引也

決繫傳作夫傾雪切

注曰公羊定十二年傳何注天子周城諸侯軒城軒城者缺南面以受過也軒城之缺南面猶軒縣之缺南方○箋曰獸之形制未詳蓋爲曲城以象其缺而非垣墉不完也

文二

京人所爲絕高止也从高省一象高形凡京之屬皆

从京

舉卿切

注曰爾雅釋止曰絕高爲之京非人爲之止郭云爲之者人力所作也○箋曰酈風定之方中傳京高止也大雅皇矣傳京大阜也引申之凡高大皆

曰京一象高形似未然六書故引蜀本說文作巾聲九非疑小象上阜合為高省耳又呂氏春秋禁塞篇為京止若山陵高注戰鬪殺人合土築之以為京觀故謂之京止

就就高也从京从尤尤通異於凡也疾微切**就**籀文

就

注曰篆下就字複舉之未刪者也○箋曰就猶卽也皂部曰卽卽食也此云就就高也文同一例非複舉也繫傳曰尤高人所就之處也按尤當為聲尤古音在之部就轉入幽部耳

文二 重一

𡇗獻也从高省曰象進孰物形孝經曰祭則鬼高之

凡高之屬皆从𡇗

許兩切又音庚切又許庚切

𡇗篆文高

作享又作亨

注曰後篆者上部之例也據元應書則高者籀文

○箋曰享獻也爾雅釋詁文舍人云獻食物曰享

享即高字小篆作𡇗因變為享又變為亨又加火

為烹實一字也檜風匪風篇誰能亨魚禮運以亨

以炙鄭注亨煮之饌也是亨與烹同易鼎亨飪釋

文亨本又作𡇗是𡇗與亨同漢劉熊碑子孫亨之

亨即享也張公神碑元享利貞享即亨也皆其明

證𡇗飪乃字之本義熟而薦之故獻食曰𡇗有所

獻則有所受誠意相孚故享又爲受亨又爲通皆
一義相因盲象盲飪之器鐘鼎文作盲其上爲蓋
小篆作𦍋下有物承之不必从高省也古音蓋讀
許良切小雅楚茨或剝或亨與踰羊嘗將爲韵許
庚許兩二切皆一聲之轉音庚切則聲變也餘見
盲部祭則鬼盲之孝經孝治章文

𦍋孰也从盲从丰讀若純一曰鬻也常倫切
𦍋篆文

注曰今俗云純熟當作此字周禮司裘注假借爲
𦍋的字○箋曰內則滷熬卽𦍋孰義从盲羊會意
一曰鬻也者以𦍋爲鍵也按盲篆文𦍋隸變作享

又作亨而辜亦省變爲享二字相混然从言之字絕少其享之偏旁如醇孰敦之類皆辜字也

筥厚也从言竹聲讀若篤

冬毒切

注曰公劉毛傳曰篤厚也此謂篤卽筥管字○箋曰管古通作竺爾雅釋詁竺厚也釋文竺又作篤

言用也从言从自自知臭

句

香所食也讀若庸

余封切

注曰香當作言轉寫之誤說从言之意也

文四 重二

𠂔厚也从反言凡𠂔之屬皆从𠂔

胡口切

箋曰𠂔厚古今字以厚釋𠂔者以常言易曉之字釋所難知亦同字相訓例也依許義凡篤厚敦厚

本作厚物之厚薄則作厚今通用厚矣反官爲厚
楚金謂以進上之具反之於下則厚是也戴氏侗
曰伯曰楚子問城之高厚城有高厚之義故取厚
之上以爲高取厚之下以爲厚一說反高爲厚隆
於上爲高積於下爲厚存參

𠂔

長味也从𠂔鹹省聲詩曰實覃實吁

徒合切

𠂔古

文覃𠂔篆文覃省

隸變作覃

注曰葛覃傳曰覃延也凡言覃及覃思義皆同○

箋曰覃醱古今字文選王褒洞簫賦良醱醱而有
味李注引字林醱甜同長味也引申爲凡長之稱
實覃實吁大雅生民篇文今本吁作訐毛傳覃長

也此字从𠂔𠂔即長味之義似不必用鹹省爲聲
今隸變作覃蓋籀文西作𠂔與𠂔相似故从西也
𠂔山陵之厚也从𠂔从厂胡口切厚古文厚从后土
箋曰樂記曰窮高極遠而測深厚鄭注深厚山川
也此厚之本義也引申爲凡厚之稱

文三 重三

畐滿也从高省象高厚之形凡畐之屬皆从畐讀若

伏

芳逼切隸省作畐

注曰釋言逼迫也本又作𠂔二皆畐之俗字○箋
曰畐从𠂔加一以爲象高厚之形於義難明戴氏
侗謂畐卽鑲字是也畐籀文作畐蓋象形文見火

部變下凡古文从人在上者或作平畫故小篆變
爲畐亦或作畐也竊謂畐不當从畐增而畐實从
畐省何以言之蓋畐者孰物之器而畐爲進獻孰
物之偶故从畐省爲畐而於口中作橫畫以象孰
物與血从皿从一同例夏从畐亦作畐卽畐字省
體之明證也畐卽古福字祭祀之餘謂之福胙以
其出自畐中而名之也古鐘鼎文福多作畐又畐
訓爲滿故引申爲畐近畐塞之偶今作偈又作逼
皆說文所無

𠂔 善也从畐省𠂔聲

呂張切

𠂔 古文良𠂔 亦古文

良 𠂔 亦古文良

箋曰邶風日月篇毛傳良善也按良从畐省畐疑
言之譌言古鐘鼎文多作畐此篆上體作口卽食
之省其本義蓋亦謂烹飪之善引申而爲凡善之
稱也

文二 重三

人回穀所振入宗廟桑盛倉黃而取之故謂之而
入回象屋形中有戶牖凡而之屬皆从而力甚切
廣而或从广从禾

注曰鄭注中庸曰振猶收也○箋曰而而取之當
作取而而之與倉下云取而藏之文同一例鄭樵
曰方曰倉圖曰而上象其蓋戴氏侗曰桑禾露積

爲亩上八象覆亩按高誘注呂覽季春紀鮑彪注
秦策竝云方曰倉則圓者爲亩審矣許云八回象
屋似無以別於方倉从囙蓋象圍繞之形今俗所
謂穀圍卽其義吾粵凡堆積物謂之亩亦其引申
義也廩从广象屋則爲圓倉廩亦有積義素問皮
部論曰廩於腸胃王注廩積也聚也

稟賜穀也从亩从禾

筆鐫切

注曰賜穀曰稟中庸旣稟稱事鄭注周禮宮正內
宰廩人掌固皆云稍食祿稟也○箋曰祿稟受之
於君故曰賜穀祿自廩出故曰祿稟亩稟古今字
稟廩亦古今字因祿稟之義行遂別其義耳引申

之凡受之自上曰稟左氏昭二十六年傳先王所以稟於天地晉語將稟命焉杜預韋昭竝云稟受也古蓋讀與稟同今音轉爲筆錦切今世凡屬吏啟事於上官謂之稟卽稟命義而名其牋曰稟此言語之轉移也

𡗗多穀也从𠂔旦聲

多旱切

注曰𡗗之本義爲多穀引申之義爲厚也信也誠也見釋詁毛傳○箋曰穀多則倉廩實故又因之訓爲誠誠猶實也

𠂔嗇也从口𠂔𠂔受也

方美切

𠂔古文𠂔如此

注曰鄙吝字當作此鄙行而𠂔廢矣○箋曰𠂔古

鄙字左氏莊二十六年傳羣公子皆鄙杜注鄙邊
邑也此卽畱之本義野人朴陋故引申爲鄙陋之
僻从口象國邑與同同例从畱與畺同意今簿書
都鄙字作畺蓋相沿用其簡文而俗誤認爲圖之
省乃竟書作圖大謬也

文四 重二

來愛濟也从來从畱來者畱而藏之故田夫謂之齊

夫凡齊之屬皆从齊

所力切隸省作齊

畺古文齊从田

注曰濟廣韵引作番○箋曰許書原本蓋作愛番
也故繫傳云番音澀廣韵引作番今作濟者鼎臣
所改而後人又據以改繫傳也然以愛番爲本義

似未協竊謂嗇卽古穡字方言廣雅竝云嗇積也
蓋嗇之本義謂收穫故從來从畝來麥也非行來
之謂也畝藏也農事以收成爲重故田夫謂之嗇
夫而報祀先嗇也嗇必從來者本草曰麥爲五穀
之長夏小正傳曰麥實者五穀之先見者也收穫
卽斂而藏之故引申爲愛嗇之偶因之又謂吝惜
爲嗇如以愛嗇爲本義則先嗇之祀嗇夫之官名
不正矣左氏昭元年傳大國省穡而用之杜注穡

愛也是愛嗇亦通作穡此又嗇穡同字之一證

𥝱

垣蔽也从嗇升聲

才良切隸變作穡

𥝱籀文从二禾

𥝱籀文亦从二來

玉篇作古文

注曰釋名曰牆障也所以自障蔽也。箋曰从齊未詳豈牆名起於倉廩而引申爲凡垣墉之偶歟

文二 重三

來周所受瑞麥來麋一來二縫象芒束之形天所來也故爲行來之來詩曰貽我來麋凡來之屬皆从來

洛哀切

注曰來麋者以二字爲名毛詩傳曰牟麥也當是本作來牟麥也爲許麋下所本古無謂來小麥麋大麥者至廣雅乃云麋小麥麥大麥非許說也。箋曰來字虞夏商書屢見非周初所造之字武王時火流爲烏以穀俱來事見後出之大誓未足漢

信卽果有之亦屬偶然豈此時始有麩麥之種乎
周頌云詒我來牟者蓋后稷教民稼穡故云爾鄭
箋引火流爲烏以穀俱來許君以此解字皆附會
也今按來本麥名廣雅曰大麥麩也小麥麩也是
也古來麥字祇作來假借爲行來之來後爲借義
所專別作𥽿秣而來之本義廢矣文選典引注引
韓詩薛君曰麥大麥也趙注孟子亦云麩麥大麥
也段氏以其未嘗云來小麥遂疑古無謂來小麥
者不知韓詩言嘉麥孟子言麩麥故注亦但釋大
麥而不及小麥耳何足疑乎麥秀有雙歧故造字
作二縫以別於禾二縫猶言二裹上畫左右穠也

中直畫象其稱々象葉下象根許云象芑束芑束
不可象也又行來之字別作徠漢書武帝紀氏羌
徠服文選甘泉賦徠祗郊禋顏李注竝云徠古來
字是也又作徠功臣表徐方旣徠注云徠古來字
是也此二字許書皆不收蓋古者祇用假借後人
乃增益之也

綌詩曰不綌不來從來矣聲切

林吏

徠或从彳

箋曰不綌不來今詩無此語爾雅釋訓曰不俟不
來也許蓋以雅訓多釋詩故云爾小雅采芣篇云
我心孔疚我行不來郝氏爾雅義疏載馬瑞辰云
疑詩占本作我行不綌綌與俟同故爾雅作不俟

而以不來釋之今詩作我行不來者賴字脫其半耳此以不來釋不俟非以不俟釋不來也灝按古音疾讀如几正與賴爲韻馬說殆是也字又作埃釋詁曰埃待也

文二 重一

麥𥽿𥽿穀秋種厚種故謂之麥麥金也金王而生火王而𥽿從來有穗者从火凡麥之屬皆从麥

莫獲切

注曰𥽿穀有𥽿束之穀也種麥疊韻爲訓○箋曰淮南墜形訓麥秋生夏𥽿高注麥金也金王而生火王而𥽿也禾部采云禾成秀人所收从爪禾然則麥之从火當亦同意蓋象人行田收麥也穗卽

采之或體許以有穗者為麥是麥之本義謂麥秀而來為麥之本名來部麥禾部采皆以成秀言也

𥽿來𥽿麥也从麥牟聲莫浮切𥽿𥽿或从艸

𥽿堅麥也从麥气聲平沒切

箋曰米之堅者曰稭麥之堅者曰麩字異而音義

同

𥽿小麥屑之𥽿从麥貨聲蘇果切

箋曰齊民要術引四民月令云夏至後糴麩麩

𥽿𥽿麥也从麥差聲一曰擣也昨何切

𥽿小麥屑皮也从麥夫聲甫無切𥽿麩或从甫

注曰麩之言膚也屑小麥則其皮可飼畜大麥之

皮不可食用故無名。○箋曰：今俗凡麻子、茶子之類皆以其皮屑為餅，謂之麩，用以糞田。此麩之引申也。

^𥽿麥末也从麥𠂔聲彌箭切

^𥽿麥覈屑也十斤為三斗从麥啗聲直隻切

^𥽿煮麥也从麥豐聲讀若馮敷戎切

^𥽿麥甘鬻也从麥去聲正據切

注曰：荀卿書冬日則為之饘粥，夏日則與之瓜麩。釋名曰：煮麥曰麩，按麥甘鬻者以麥為粥，其味甜也。急就篇：甘麩殊美，奏諸君是也。其法當用大麥為之，或去皮或粉之，皆可為粥。其性清虛，於夏日

宜大麥甘故今煎飴餠亦用大麥○箋曰顏注急就篇云一日麩者糗也麩麩聲相近實一物也甘麩者以蜜和糗故其味甘也黃氏曰麩麥粥汁灝按麩疑卽今之麥芽餠

麥餅籒也从麥𪔐聲讀若庫

空谷切

注曰方言曰麥麩麩麩麩麩麩也自關而西秦幽之間曰麥晉之舊都曰麩齊右河沛曰麩或曰麩北鄙曰麩麩其通語也○箋曰米部籒酒母也按今俗謂之酒餅

麥餅籒也从麥穴聲

戶八切

箋曰錢曰媒氏注齊人名麩麩曰媒麩卽麩字

六書精蘊曰象人曳杖形亦通

𠂔行𠂔𠂔也一曰倨也从攴允聲

七倫切

箋曰𠂔遼古今字又作𠂔𠂔猶逡巡也一曰倨也者謂𠂔與踰同莊子外物篇釋文引字林云踰古踰字卽踰踞字也說見新附𠂔下

𠂔行故道也从攴畐省聲

房六切

注曰攴部又有復疑後增也○箋曰𠂔復古今字爾雅釋言曰復返也易復初九曰復自道卽此字本義畐省爲言說見畐部

𠂔越也从攴从𠂔𠂔高也

繫傳高下有大字

一曰𠂔𠂔也

力磨切

切

箋曰交通作凌又作陵交越其本義引申爲交犯
交得別作蛟見去部共地草與交越義無涉以爰
爰字从人例之此亦當从儿省爲儿从攴从止止
往也楚金曰交得漸卑也今作陵遲

𠂔送詣也从攴从至

陟利切

注曰言部曰詣候至也送詣者送而必至其處也
引申爲召致之致又爲精致之致○箋曰戴氏侗
曰致推之底至也致曰致月致命致女致身皆此
義引其義則鉤而至之亦曰致易曰致寇至工致
其巧則器物堅精因謂之致俗作緻灝按廣雅曰
致至也引申爲至極之稱至致相承增偏旁

憂和之行也从攴惠聲詩曰布政憂憂於求切

注曰憂優古今字商頌長發篇敷政優優毛傳優優和也○箋曰許云和之行者以字从攴也凡言優游者此字之本義今專用爲惠愁字

愛行兒从攴惠聲烏代切

注曰心部曰惠也今字假愛爲惠而惠廢矣○箋曰愛訓爲行亦以从攴知之也疑愛卽儂字廣雅曰愛儂也人部儂仿佛也爾雅釋言曰愛隱也然則愛者隱之行也儂愛古字通

𢇛行𢇛𢇛也从攴闕讀若僕又卜切

注曰各本篆作𢇛今依廣韻作𢇛與小徐注合讀

若僕卽今俗語僕僕道途之謂趙注孟子曰僕僕煩猥兒○箋曰屢古通作僕闕者繫傳曰不知屢之義段改篆作交而云與小徐注合不知所謂此蓋廣韵傳寫之誤不足據也錢氏大昕曰屢卽肩之省按尸部曰肩動作切切也卽煩猥意也

鞞絲也舞也樂有章从章从夂从攴詩曰鞞鞞舞我

苦感切

注曰絲當作𦉳𦉳徒歌也絲下也字衍絲舞者謠且舞也樂有章从章从夂从攴當作从攴从章樂有章也各聲今更正詩小雅伐木篇作坎坎鼓我士部又引詩塤塤舞我此當同詩作鼓○箋曰段

說是也絲與謠通爾雅釋樂徒歌謂之謠各聲古
音在東部贛从贛省聲古芒切乃其本音今苦感
切轉入談部也鞞鞞舞我今詩作坎坎鼓我此舞
字蓋涉上文而誤

𦉰𦉰也象皮包覆𦉰下有兩臂而𦉰在下讀若范

𦉰范切

注曰司馬彪輿服志乘輿金鋌劉昭注引禁邕獨
斷曰金鋌者馬冠也高廣各五寸上如五華形在
馬髦前薛綜注東京賦同按在馬髦前則正在馬
之𦉰蓋馬融廣成頌揚金𦉰而拖玉璫字正作𦉰
或誤作𦉰音子公反非也○箋曰西京賦璫弁玉

纓薛注弁馬冠也又髦以璫玉作之弁卽麥之假借字麥古音重唇與弁同也麥爲馬冠而字从人象臂从攴象足者以人體之字借爲鳥獸之用也

𦣻

中國之人也从攴从頁从臼臼兩手攴兩足也

胡雅

切隸作夏

𦣻

古文夏

注曰夏引申之義爲大。箋曰阮太傅曰仲尼燕居下管象武夏籥序興象武武舞用干戚也夏籥文舞用羽籥也所謂夏者卽九夏之義說文夏从攴从頁从臼臼兩手攴兩足與頌義同周曰頌古曰夏故九夏皆有鐘鼓等器以爲容節明乎人身手足頭兒之義而古人名詩爲夏爲頌之義顯矣

顓按阮說乃夏字之本義戴氏侗亦曰夏舞也曰象舞者手容及象舞者足容是也夏時夷狄始入中國因謂中國人爲夏人沿舊稱也胡三省注通鑑漢武帝紀曰漢時匈奴謂中國人爲秦人至唐及國朝則謂中國爲漢如漢人漢兒之類皆習故而言也按今西洋人謂中國人爲唐人蓋自唐時始通中國矣大與夏皆象人形故夏亦有大義爾雅釋詁曰夏大也方言曰自關而西秦晉之閒凡物之壯大者而愛偉之謂之夏故大屋謂之夏屋四時之夏以長養萬物爲大也

𡗗 治稼𡗗𡗗進也从田人从攴詩曰𡗗𡗗良耜

初力切

注曰爾雅釋訓𦵏𦵏耜也舍人云𦵏𦵏耜入地之貌𦵏𦵏良耜周頌良耜篇文毛傳𦵏𦵏猶測測也鄭注周禮雉氏曰耜之者以耜測凍土割之然則𦵏測皆進意凡亦人字田人者農也又言其足之進也。箋曰丕部稷古文作𦵏𦵏者𦵏之省

切子紅

注曰鵲鵲醜其飛也爰爾雅釋文今爾雅作鵲
許所據異也○箋曰爾雅釋文引字林作爰按說
文無鵲字今俗謂人斂足聳身躍起曰爰卽此字
之義

刀奴！

切

注曰犬部曰猴憂也單呼猴衆呼母猴其實一也
母猴與沐猴獼猴一聲之轉○箋曰憂蓋猴之類
貪獸言其性也別作猱爾雅釋獸猱蟻善援孫炎
曰猱母猴也陸璣毛詩草木蟲魚疏曰猱獼猴也
楚人謂之沐猴說文無猱字

夔

神魑也

神繫傳作郎

如龍一足从夂象有角手人面之

形

渠迫切

注曰揚雄甘泉賦捎夔魑而扶獮狂張衡東京賦
殘夔魑與罔像魯語曰木石之怪曰夔罔蝮韋注
夔一足越人謂之山繅或作獮富陽有之人面猴身

能言○箋曰夔狀似人故从人體字而卽以字形爲形與夔同例如龍有角故从丌象角也

文十五 重一

𡙇拜失容也从攴坐聲

則臥切

鈕曰曲禮曰介者不拜爲其拜而𡙇拜釋文𡙇盧本作蹲何注公羊僖三十三年傳云介冑不拜爲其拜如蹲與盧本同鄭云𡙇則失容節陸孔皆云𡙇挫也疑本作挫或通借作莖俗又加攴因成𡙇字也○箋曰許云攴一曰倨也是攴可讀爲蹲錢氏大昕謂攴卽𡙇拜之𡙇蓋以爲攴𡙇形近之誤

文一

新附

𢇛對臥也从𠂔牛相背凡𢇛之屬皆从𢇛

昌充切

揚雄說𢇛从足春

注曰謂人與人相對而休也字又作𢇛王制注釋

交趾云沐則同川臥則𢇛足是也揚雄說蓋訓纂

篇語○箋曰𢇛者兩人相背行是乖𢇛之義故乖

𢇛亦曰背馳許云對臥蓋因交趾俗而云爾从𢇛

之字如舞𢇛𢇛之類皆有行義則非對臥明矣

舞樂也用足相背从𢇛無聲

文撫切

羽古文舞从羽

𠂔繫傳作𠂔聲

箋曰舞者般旋往來故从𢇛𢇛从羽者羽舞也

𢇛車軸𢇛鍵也兩穿相背从𢇛𢇛省聲𢇛古文𢇛字

繫傳無此五
字胡戛切

注曰牽與轄同車部轄一曰鍵也。箋曰車軸之
兩耑冒以鐵穿孔設牽以鍵之所以制轂之脫出
故亦謂之鍵

文三 重二

𦰩艸也楚謂之菑秦謂之萑萑地連華象形从艸𦰩
亦聲凡驛之屬皆从驛舒閑切今隸變作驛𦰩古文驛

注曰有虞氏以爲諡者舜大也俊之同音假借山
海經作帝俊。箋曰爾雅釋草萑萑茅郭注萑華
有赤者爲萑萑萑一種耳是萑萑同物以色別之
許云楚謂之萑秦謂之萑則兩地異名萑名驛木

謹亦曰𦵏又異物同名也字又作𦵏𦵏从𦵏古文
赤字象草華形小篆作𦵏从𠂔从𦵏蔓地周徧
之意𦵏亦聲隸省作𦵏因變為𦵏

𦵏

華榮也从𦵏𦵏聲

生原本誤作生今從繫傳正

讀若皇爾雅曰

𦵏華也

戶光切

𦵏𦵏或从艸皇

注曰𦵏見艸部各本誤生則非聲大徐本篆文右
半譌生非也○箋曰爾雅釋艸其萌蘗蘗𦵏華
榮當以其萌蘗蘗為句𦵏華榮為句華字衍郭景
純誤以蘗字𦵏字斷句遂不可通按艸部曰蘗蘗
渝讀若萌即萌蘗蘗之異文也又曰𦵏艸之蘗榮
也𦵏華榮也是𦵏𦵏同義明矣許引爾雅𦵏華也

華亦當作榮

文二 重二

𦍋相背也从舛口聲獸皮之𦍋可以束枉戾相𦍋背
故借以爲皮𦍋凡𦍋之屬皆从𦍋字非切𦍋古文

𦍋 注曰相背故从舛今字違行而𦍋廢矣○箋曰一
切經音義十四引字林云𦍋柔皮也漢書鄭崇傳
注云孰曰𦍋生曰革灝按革縷束物謂之𦍋因其
所用以名其物故柔皮曰𦍋古文𦍋上下皆象革
縷束物之形中从○者圍繞之意小篆由古文變
則非从舛也𦍋之引申爲凡圍繞之偁漢書成帝

言二角注集卷三 三
紀大木十韋以上注韋與圍同是也又引申爲違背之義卽所謂束枉戾相韋背也

韠韠韠也所以蔽前以韋下廣二尺上廣一尺其頸五

寸一命緼韠再命赤韠从韋畢聲

卑吉切

注曰韠之言蔽也韠之言亦蔽也○箋曰玉藻曰韠君朱大夫素士爵韋園殺直鄭注曰此元端服之韠也又一命緼韠幽衡再命赤韠幽衡三命赤韠蕤衡注云此元冕爵弁服之韠尊祭服異其名耳是鄭意以爲韠韠同物市部曰韠也从巾象連韋之形篆文作韠則許意亦同也餘見市部

韠韠韠也一入曰韠从韋末聲

莫佩切

注曰小雅瞻彼洛矣篇韎韐有奭毛傳曰韎者茅
蒐染韋也一入曰韎韐所以代韠也○箋曰王氏
引之曰毛傳原文本作韎染韋也一入曰韎今本
韎下有者茅蒐三字此涉鄭箋韎者茅蒐染而誤
衍也蓋毛以染韋一入之色爲韎而不以茅蒐爲
韎鄭以韎爲茅蒐之合聲則以茅蒐爲韎與毛異
說文茅蒐二字亦後人依誤本毛傳加之賈景伯
注成十六年左傳及晉語竝云一染曰韎叔重之
學出於景伯且賈許皆治毛詩故云韎染韋也一
入曰韎與茅蒐爲韎各爲一義不可強同也

韎囊紐也从韋惠聲一曰盛虜頭囊也

胡計切

注曰橐車上大橐也鈕系也呂覽北郭騷告其友曰盛吾頭於笥中奉以託以白晏子也退而自刎其友因奉以託按託者橐之假借字云虜頭者如函梁君臣之首之類

韜

劍衣也从韋𠂔聲

土刀切

注曰少儀曰劍則啟櫝蓋襲之加夫褱與劍焉注夫褱劍衣也夫或爲煩皆發聲按許書無褱字褱與韜音相近褱卽韜也引申爲凡包藏之偁曹憲本廣雅袂褱褱劍衣也熊氏安生義疏引廣雅夫褱木劍衣也非是○箋曰袂褱蓋相承增衣旁許書有袂無褱衣部袂襲袂也廣雅袂衣前襟也別

一義然則許所云袂非謂袂襖也廣雅木劒衣木作袂誤王氏疏證已辯之

講臂衣也

原作射臂決誤今從段正

从韋韋聲

古侯切

注曰各本作射臂決也誤甚決箸於右手大指不箸於臂今從文選答蘇武書注正射講者詩之拾禮經之遂內則之捍也毛傳拾遂也大射注曰遂射講也以朱韋爲之箸左臂所以遂弣也凡因射箸左臂謂之射講非射而兩臂皆箸之以便於事謂之講東方朔傳曰緇幘傳青講韋昭曰講形如射講以縛左右手於事便也崔豹古今注曰攘衣廝役之服取其便於用耳乘輿進食者服攘衣按

攘衣卽講也以繩纏臂謂之紮以衣斂袖謂之講其字或作講見後漢書或作講見南都賦

韋

射決也所以拘弦以象骨韋系著右巨指从韋

聲詩曰童子佩韋

失涉切

韋或从弓

注曰衛風童子佩韋毛曰韋決也能射御則帶韋
小雅車攻傳曰決所以鉤弦按卽今人之扳指也
經典多言決少言韋韋唯見詩毛公釋爲決而鄭
云韋之言沓所以彊沓手指此以禮經之極釋韋
也大射云朱極三注云極猶放也所以韋指利放
弦也以朱韋爲之食指將指無名指各一鄭意以
韋極沓三字雙聲且極用韋爲之故字从韋決則

用象骨爲之故不从毛而易其義許說從毛也以
字从韋論之鄭爲長矣○箋曰鄭注士喪禮云決
以韋爲之藉又云以紕環大擘本然則从韋蓋指
藉及系言今人扳指猶用藉許意則以韋系也大
射朱極唯君用之詩言童子佩鞬似非大射之極
也又鞬沓雙聲鞬極非雙聲

鞬 弓衣也从韋蜀聲

之欲切

注日月令帶以弓鞬高誘曰鞬弓韜也按革部鞬
弓矢鞬也鞬蓋又在鞬之外容以木爲之飾以皮
耳故服注左云冰櫜丸蓋也如劒衣在劒櫜之內
○箋曰鞬與鞬字異義同析言則藏弓曰鞬亦曰

韞盛矢曰韞散文則通段云韞之外又有韞如劍衣在劍櫝之內皆非也

韞弓衣也从韞長聲詩曰交韞二弓

丑亮切

注曰秦風虎韞毛曰虎虎皮也韞弓室也又交韞二弓毛曰交韞交二弓於韞中鄭風作嚳毛曰嚳弓發弓

韞履也从韞段聲

平加切

注曰古本蓋祇有韞綴二篆自段譌爲段而妄增韞篆正如石部礮譌爲礮各本說文乃作礮耳今刪○箋曰足部有跟篆音義與此同戴仲達謂卽鞋字是也段以韞韞二篆相接遂疑爲妄增而徑

刪之固矣

𡗗

履後帖也从韋段聲

徒玩切

𡗗或从糸

注曰帖帛書署也引申為今俗語幫貼之字凡履跟必幫貼之令堅厚不則易敝臣瓚曰蹠跟曰跣按履緊曰跣履也跣與貼音同急就篇履舄鞞衰絨緞紉師古引說文為注从段取堅意也緞今俗以為錦繡段之段○箋曰从段蓋取片段之意

𡗗

足衣也从韋段聲

望發切

注曰左傳曰褚師聲子譏而登席謂燕禮立跣也○箋曰釋名曰譏末也在腳末也顧氏炎武曰古人之譏大抵以皮為之既解譏則露其邪幅采菽

之詩所以爲詠吳賀邵爲人美容止坐常著襪希見其足始从衣按玉篇作袜

𨮒

𨮒裏也从韋專聲

匹各切

注曰𨮒𨮒前也以皮裹之玉篇云𨮒扶豆扶武二切尻衣也次於𨮒下韋上與說文同考許書𨮒足衣也袴脰衣也則當別有尻衣卽史漢萬石君傳所謂中裙也廣韻曰輔尻衣集韻曰輔𨮒也𨮒卽許之𨮒字疑說文本有輔尻衣也从韋甫聲之文因與𨮒相似而佚之如鼎𨮒衲衫皆佚其一之比

𨮒

革中辨謂之𨮒从韋𨮒聲

九萬切

注曰釋器革中絕謂之辨郭注中斷皮也革中辨

謂之輦注復平分也如郭說則正文當云辨中絕
謂之輦立文不當如是今按當云革辨謂之輦中
乃衍文衣部裴下云輦衣也衣襦古曰輦亦曰裴
積亦曰綆然則皮之縞文覺覺者曰輦何疑○箋
曰段說是也然愚謂革中二字竝衍蓋本云革中
絕謂之辨辨謂之輦許有革中二字者蓋但云辨
謂之輦則不知其爲革故承上句而增之今本爾
雅則又後人依說文增之者也餘見通介堂經說
輦收束也从韋樵聲讀若會切即由**輦**或从要

注曰漢律厯志曰秋醮也物醮斂乃成熟鄉飲酒

義曰西方者秋秋之爲言犂也从韋取圓束之義
从要意同○箋曰江陰孔氏昭孔曰吾鄉人僞犂
爲犂卽此字吳郡人讀如焦

韓井垣也从韋取其市也𪔐聲

胡安切

注曰垣當作橋今依史記孝武本紀索隱正莊子
曰鑿木爲機後重前輕挈水若抽數如洸湯其名
爲棹棹本又作橋淮南書今夫橋直植立而不動
俛仰取制焉高曰橋桔臯上衡也井韓見史漢孝
武紀封禪書郊祀志枚乘傳莊子秋水篇其字多
作井韓司馬彪云井韓井闌也崔謨云井以四邊
爲韓猶築之有植韓按井韓爲木架四圍中其圍

橫圓木爲橋貫兩旁木有軸可轉中設鹿盧縣綬
上下故言橋而韓見也○箋曰桔槔可通作橋井
闌中橫木亦可謂之橋而韓非橋也井字系構韓
形則韓卽井闌明矣謂之井垣者卽崔譔所云猶
築之有楨榦也段改非是

文十六 重五

韌柔而固也从韋刃聲

而進切

鈕曰玉篇韌柔也又作朋按鄭注考工記及月令
竝有堅刃之說詩皇皇者華六轡如絲傳云言調
忍也離騷紉秋蘭以爲佩玉臺新詠古詩蒲葦紉
如絲易革卦鞶用黃牛之革王注牛之革堅勿不

可變也。韋卽仞字之俗。○箋曰：此古無正字，故通借爲用，以爲仞之俗，則非也。

文一新附

弟 韋束之次弟也。从古字之象，凡弟之屬皆从弟。計切
弟 古文弟从古文韋省，丿聲。

注曰：以韋束物如韋五束，衡三束之類，束之不一，則有次弟也。引申之爲凡次弟之弟，爲兄弟之弟，爲豈弟之弟。○箋曰：革縷束物，謂之韋。展轉圍繞，勢如螺旋，而次弟之義生焉。因之爲兄弟、兄弟者，長幼之次弟也。弟有順遜義，故善事兄長爲弟。又增作悌，弟宅亦次弟之義。漢書高帝紀：賜大弟宅。

顏注曰有甲乙次第故曰弟劉向傳皆罷令就弟
正作弟今本高紀作第後人所改又引申爲語詞
陳勝傳藉弟令毋斬注曰漢書諸言弟者甚眾弟
但也今俗人語偶但者急言之則音如弟矣按弟
但一聲之轉又作啻啻亦但也韋古文作彙省爲
𠂔聲小篆从古文變也段於竹部補第篆非是

𠂔 周人謂兄曰弟从弟从𠂔

古覓切

注曰爾雅釋親曰弟兄也郭注今江東通言曰弟
按弟者𠂔之誤。箋曰弟卽弟之俗兄古音讀若
荒周人謂兄曰弟聲相近也𠂔當爲聲古通作昆

文二 重一

𠂔从後至也象人兩脰後有致之者凡久之屬皆从

久讀若禡

陟侈切

箋曰戴氏侗曰久久特一字灝按戴說是也其斜畫或出或否乃用筆之小異久訓行遲𠂔訓跨步正與一反一正之例相合是𠂔卽久之反體今說文有𠂔無𠂔而斜正从𠂔然則筆迹小殊無關宏指故久或作𠂔也所以然者从久之字多在下而从久者多在上故斜畫或出或否各取美觀耳且久訓後致而致卽从久是其本爲一字更無疑行遲與後致義亦相因也

𠂔相遮要害也从久丰聲南陽新野有丰亭

平莧切

箋曰夆之言害也相遮要害蓋卽要於路之義新
野今河南南陽府屬縣續漢志未載夆亭錢曰今
稽察匪盜之所曰卡房蓋夆字之變實當用夆字

夆 𠂔也从夂𠂔聲讀若縫

敦容切

注曰午部曰𠂔逆也夆訓𠂔猶逢迎逆遇逆互相
爲訓○箋曰爾雅釋詁曰違逢遇逆見也夆逢古
今字𠂔卽逆也釋訓曰粵夆掣曳也郭注謂牽挽
周頌小毖篇其子莽蜂毛傳莽蜂摩曳也皆假借
字彳部曰𠂔徃使也又按說文無夆字古通作夆

夆 服也从夂𠂔相承不敢竝也

下江切

注曰相承不敢竝各服之意也○箋曰夆降古今

字引申爲升降戴氏侗曰舛相倍也各相下也

𠂔

秦以市買多得爲𠂔从𠂔从久益至也

原本有从乃二

字今依

繫傳刪詩曰我乃酌彼金罍

古平切

注曰詩周南文今毛詩作姑傳曰姑且也及者姑之假借字○箋曰乃通作沽論語子罕篇求善價而沽諸馬注沽賣也鄉黨篇沽酒釋文沽買也沽兼買賣二義亦猶治之訓亂祖之訓存也戴氏侗曰乃古文及字鼎臣誤認爲乃增从乃二字殊謬繫傳無此二字是也及猶至也與市从及同意

𠂔

跨步也从反久𠂔从此

苦瓦切

箋曰𠂔古跨字當作𠂔从反久說見前玉篇云𠂔

與跨同

文六

久从後灸之象人兩脰後有距也周禮曰久諸牆以

觀其橈凡久之屬皆从久

舉友切

注曰考工記盧人灸諸牆以眡其橈之均鄭曰灸猶柱也以柱兩牆之間許所偁作久與禮經用字正同距當作距今正距止也○箋曰左氏宣十七年傳甘賁皇曰過而不改而又久之昭二十四年傳士伯曰寡君以爲盟主之故是以久子久猶止也畱也杜注云久執子以謝邾以久爲長久之久而增執字以解之失其義矣灸之當作久之以久

釋久卽比比也剝剝也之例段謂距當作𡵓是也
久从人从丿指事自後止之故曰後有𡵓也引申
爲遲久之義又爲揅拄之偁戴氏侗曰士喪禮重
鬲幘用疏布久之苞苴𦍋無皆木析久之康成曰
久謂以葢案塞其口按苞苴𦍋不應有葢且曰皆木
析久之則所久者在木析鬲之所久者亦當在重
皆謂以木支柱之灝按戴說是也此讀當以鬲幘
用疏布爲句久之自爲一句久古音讀若己今杭
州語音近之

文一

𣎵 磔也从舛在木上也凡桀之屬皆从桀

渠列切

箋曰磔當作傑字之誤也桀傑古今字衛風伯兮篇邦之桀兮毛傳桀特立也漢書高帝紀三者皆人傑顏注傑言桀然獨出也是桀與傑同从二人在木上取高出人上之意坐與巫皆从二人相對與此同例疑非从舛爾雅釋宮雞棲于杙爲桀亦取在木上意也諡法賊人多殺曰桀蓋指夏桀而言自有夏桀而後以惡名歸之桀字矣

磔

辜也从桀石聲

陟格切

注曰周官掌戮凡殺其親者焚之殺王之親者辜之鄭注辜之言枯也謂磔之大宗伯以醢辜祭四方百物大鄭從故書作罷辜云罷辜披磔牲以祭

爾雅祭風曰磔郭云今俗當大道中磔狗云以止
風按凡言磔者開也張也剝其肩腹而張之令其
乾枯不收字或作砒見史記○箋曰荀子正論篇
斬斷枯磔枯卽辜也楊注磔車裂也漢書景帝紀
改磔曰棄市顏注磔謂張其尸也灝按磔猶圻也
𦨇覆也从入桀桀黠也軍法曰乘食陵切𦨇古文
乘从几

注曰加其上曰乘人乘車是其一端也○箋曰戴
氏侗曰乘乘載其上也乘車乘馬乘舟乘城筭法
之乘皆取諸此所乘者爲乘去聲車人之所乘也
故車謂之乘車車必四馬故四馬曰乘馬引而申

之則凡以四數者皆曰乘乘久乘壺之類是也灋
按軍法曰乘者如西伯戡黎序周人乘黎左氏宣
十二年傳楚人乘我又車馳卒奔乘晉軍呂氏春
秋貴直篇一鼓而士畢乘之史記高祖紀淮陰侯
復乘之是也筭法參加爲乘因之計事亦謂之乘
如周官橐人乘其事又宰夫乘其財用之出入鄭
注乘猶計也是也然則筭法之乘古有是名矣桀
从二人在木上升高之義加於其上曰乘故从木
覆其上指事非入字也

文三重一

說文解字第五

下